

Alkitab Anggen Anak Alit

Sang Prabu
Daud (bagian 2)



Kasurat olih: Edward Hughes

Kaperagayang olih: Lazarus
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.


Perarem: Ida dane dados nerjemahang utawi nyalin carita puniki,
nanging nenten dados ke adol.



Dane Daud nyeneng ratu ring wewengkon Yehuda,
delod wewengkon Palestinane.

Sakewala wong Israel ane
lenan nadiang Isyboset,
okan dane Saul, keangkat
dadiraja. Peperangan
rakyat kanti pitung
tiban mekelone.


Yadian buke
keto, dane Daud
tetep kuat lan
terus dogen
nyitengan.




Pemuputne dane raja Isybooset matiange
baan tentaran danene ajak dadue.




Lantas suku-suku Israele makejang tangkil ring dane Daud ane sube keselik antuk Ida Sang Hyang Widi Wasa, nyeneng prabu di wewengkon Israele.



Ane paling semalu ane kelaksanayan dane Daud tusing je len,
ngrampas kota Yerusalem. Lantas kotane ene kesohor kesambat
adene dadi kota Daud. Dane Daud mewali ngewangun benteng-
benteng buat anggone ngelawan musuh-musuhne. Uli Yerusalem,
para prajurit dane Daud ngalahan wong Filistine tur
musuh-musuhne
ane lenan.





Raris dane Daud makta tabut Perjanjiane ke Yerusalem. Tabut Ida Sang Hyang Widi ane medaging dase titah Ida Sang Hyang Widi lan titah-titah ane lenan ane kepicayang antuk Ida Sang Hyang Widi malarapan antuk dane nabi Musa.





Dane Daud liu pesan ngadakan peperangan rikalane dane ngawitin pemerintahan danene. Dane sayuwiakti dadi tentara ane meraga wicaksana, alap asor, lan setate ngestawa nunas ice mangda Ida Sang Hyang Widi ledang setata nuntun pemerintahane.





Ane setate
ngusak asik hati
pemanahan dane
Daud, tusing je
len ngeniang
indik purin
danene ane
melah pesan,
tungkalikane
genah tabut
perjanjian
megenah di
tengah kemahe.





Dane Daud lantasan
ngerencanayang
lakar ngewangun
bait suci pabuat
Ida Sang Hyang
Widi. Dane Natan
salah sinungalin
nabin Ida Hyang
Widi, ngandika
ring dane Daud,
punapike carane
ngawitin
wewangunane
ento.





Di tengah petenge
ento, Ida Sang
Hyang Widi ngutus
utusan ring dane
Daud; Daud
kaulan Ulune, Ida
Sang Hyang Widi
lakar mapice
keturunan tekenin

ceneing. Yening umur ceninge sube cukup lan cening sube maan
dine perarian bareng-bareng ngajak pare leluur ceninge, Ulun lakar
ngemang keturunan ane dimani puane, okan ceninge miwah
keturunane lakar ngerajegan wewengkon Israele.



Dane Daud edot pesan nulungin keluarga dane Saul ane enu hidup. Dane tuah ketemu ring okan dane Yonatan, Mefiboset, anak ane pincang. “Ia lakar medaar bareng-bareng ngajak tiang.” Pangindikan dane Daud. Dane Daud melaksana melah tekenin Mefiboset uli krana Yonatan tusing je len tuah timpal dane Daud ane paling melahe.





Yen dane setate precaya lan taat ring Ida Sang Hyang Widi, Ida Sang Hyang Widi sinah lakar nulungin dane Daud apange dane setate nemu keberhasilan. Nanging sedekan dine anu, ada bayangan ane jelek ngeliput pedewekan dane Daud.






Dane ngutus tentaran dane
apange milu meperang,
sakewala dane Daud meneng di
Yerusalem. Sajeroning awengi,
dane tusing nyidang sirep.
Lantas dane tindak-tindak duur
loteng umahe tur ningalin kotane
uli beduur loteng umahe ento.



Dane Daud nyingakin ade anak istri jegeg pesan sedengan manjus. Adan anak istri ento Batsyeba. Dane Daud melaksana dosa tekenin Batsyeba yadiastu kurenane, Uria tusing je len salah sinunggalin prajurit dane Daud ane wanen pesan. Lantas Batsyeba matur ring dane Daud ngorahang pedewekane sube beling. Dane Daud nawang yening dosane ene lakar ngranayang dane liu lakar ngelah masalah.





Ketimbang dane ngankenin dosan nyane ring Ayun Ida Sang Hyang Widi, dane Daud malah nutupin dosan nyane. Parisolah ane buke keto tusing je taen kelaksanayang dimasene ane sube lewat. Dane Daud nunden dane Uria mulih uli meperang, dane ngarepang Uria lakar mulih ke umahne, apange ia mepineh pianak ane ade di belingan kurenane tusing je lenan tuah je okan danene. Sakewala dane Uria tusing nyak mulih, yen timpal-timpalne makejang enu meperang. Dane Uria malah milih sirep di gerbang istanan sang prabu Daud.



Pemuputne dane Daud
ngelaksanayang paundukan
ane lebih jaat. Dane buin
ngutus dane Uria apange
dane buin meperang,
kebekelin surat alemba.
Isi surate ento tusing je len,
dane ngemadakan dane
Uria mati di tengahin
peperangan. Sesubane
dane Uria mati, dane Daud
nadiang Batsyeba dadi
rabin danene.



Ida Sang Hyang Widi ngutus kaulan Idane, dane Natan, buat ngingetang apange dane Daud sadar teken kepelihanne. Dane Natan ngemang satwa tekenin dane Daud, satwa unduk anak ane sugih lan unduk anak ane tiwas. Anak ane sugih liu pesan ngelah kambing domba, sakewale anak tiwas ento tuwah ngelah kambing ane enu cenik tuah ukud, ane satmaka care dadi pianakne ane luh.



Ritakala ade tamu ane teke metamu di umah anake sugih ento, anake sugih totonan tusing je nyak nampah kambing domba pegelahne buat tamune. Ia malah nyuang tur nampah kambing domba ane kegelahan baan anak ane tiwas ento.





Mirengang satuwene ento
dane Daud lantasi pedih
pesan tekenin anak ane
sugih ane tusing nawang
olas asih. Pangandikan
dane Daud, “Anak ane
melaksana buke keketo patut
ketiben hukuman mati.”



“Anake ento tusing je len, tuah palunguh ratu!” Dane Natan tusing je ngelah rasa takut buat mitekin dane Daud. Ape ane sube kelaksanayang antuk dane Daud sujatine jelekan teken ape ane kelaksanayang olih anak ane sugih, care ane kesatuang dane Natan.



Ida Sang Hyang Widi Wasa nyinahang parisolah dane Daud ane sujatin jaat pesan. Lan dane Daud merasa nyesel pabuat dosane ento. Dane matur ring Ida Sang Hyang Widi: “Tiang ene sube medosa marep ring Ida Sang Hyang Widi.” Ida Sang Hyang Widi Wasa micayang pengampura buat dane Daud.

Sakewala anak alit dane Batsyeba nandang pinakit sane parah pisan tur sesubane anak alit ento lekad, ia langsung mati.





Ida Sang Hyang Widi Wasa micayang pengampure buat dosan dane Daud ane paling jaate. Tusing je mekelo buin, ditu lantas Batsyeba ngelekadang pianak ane lenan, ane keadanin Salomo, ane lakar nyeneng prabu sesuban dane Daud. Dane sang prabu Daud ngelah masi pianak ane lenan, ane ngranayang dane Daud nampi kesengsaran ane gede pesan.



Sang Prabu Daud (bagian 2)

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

2 Samuel 1-12

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

